

TAKKUTINNGITSUNIK NALUNAARSUISARNEQ

Ilinniarteqarfiup takkutinnitsoortunik nalunaarsuisarnini ataavartumik ingerlatarisarpaa, taamaaliortarpoq ilinniartut unitsitsiinnarnissaat pinngitsoortinniarlugu aammattaaq saniatigut ilinniartut akunnerminni eqqummaarissumik peqatigiissinnaanissaat angujumallugu tamanna ingerlanneqartarluni. Nalunaarsuisarneq aamma tassaavoq najuunnermik pimoorussinermillu qulakkeereqataaffiususaaq. Ilinniartut akunnerminni eqqummaarissumik peqatigiissinnaanerisa ilinniartup ilinniarfimmiiginnarnissaanik qulakkeerinnissinnaavoq, taamatuttaarlu ilinniartitsinermut peqataaneranut suliffimmilu misiliinermi pimoorussinissaanittaaq qulakkeerinnissinnaalluni. Taamaaliorneq ilinniartup ilinniakkaminik naammassinninnissaanik qulakkeerinnissinnaasoq upperilluinnarparput.

Takkutinngitsoortarnermut politikeqarnitta siunertai tassaapput:

- Takkutinngitsoortarnerit pinngitsoortinniarlugit
- Ilinniarteqarfiup ilinniartut qitiusussanngorlugu kultuoreqalersitsinissaq
- Ilinniartut ilinniarnermut peqataanissaannik ikorfartuisuussasoq
- Ilinniartut ilinniakkaminik annertunerpaamik pissarsiaqarnissaat - ulluinnarni ilinniartinneqarnermikkut, soraarummeerfinni suliffimmilu misiliinerminni

Ilinniarnermut peqataanermi malittarisassat

Ilinniarnermut peqataaneq imatut isumaqarpoq:

- Ilinniakkamik ilisariatitsinermut takkulluni peqataanerit, sammisaqarnermi assigisaannilu
- Ilinniartitsinermut takkutiaartarneq piareersarluarsimasarnissarlu
- Ilinniartitsinissanut piareersariikkanut takkuttarneq - (S-tiimini) namminerisamik suliaqarneq aammalu virtuelimik ilinniartitsinermut peqataasarluni
- Ilinniartitsinermut inortuigaanni 50%-imik nalunaqquttap akunnera atuartitsinermi ataatsimi ilanngaaffigittoqarsinnaasarpooq
- Piffissaq eqqorlugu allattariarsornermi sulianik tunniussineq
- Ilinniartoq 30% sinnerlugit peqanngissimatillugu naliginnaasumik soraarummeertoqarsinnaaneq ajorpoq

Takkutsinngitsoortanermi majuartarfik

5%		Ilinniartitsisoq attavigisartakkap oqaloqatiginera	Ilinniartitsisup attavigisartakkap pinaveersaartitsinissaq pillugu ilinniarteq oqaloqatigisarpaa. Oqaatsitigut una mianersoqqussutaanngilaq oqaloqatigiinneruvorli.
10%		Pilersaarusiorneq Allakkatigut mianersoqqussut siulleeq	Ilinniartitsisoq attavigisartakkap Ilinniartunik Aqqutissiuussisoq attavigissavaa. Ilinniartunik Aqqutissiuussisoq Ilinniartitsinermik Aqutsisoq ilisimatissavaa, taannaassaarlu ilinniartumut allakkatigut mianersoqqussummik nassiussisuusussaq. Ilinniartup 10% angullugu peqanngittarsimanera pillugu Ilinniartunik Aqqutissiuussisup ilinniarteq tusarniaaffigissavaa, tunngavia suunersoq paasiniallugu. Taamaasioreernerme pilersaarusiortoqassaaq. Sapaatip akunnera qaangiusimalerpat nangitsepartitsilluni oqaloqatigiittoqassaaq.
20%		Allakkatigut mianersoqqussutip aappaa	Ilinniartitsisup attavigisartakkap Ilinniartunik Aqqutissiuussisoq paasissutissiiffigallugu nalunaarfigissavaa. Ilinniartunik Aqqutissiuussisoq Ilinniartitaanermut Aqutsisoq kalerrissavaa, taassumallu allakkatigut mianersoqqussutip aappaa ilinniartumut nassiutissavaa.
30%		Anisitaaneq	Ilinniartitaanermik Aqutsisup ilinniartup anisitaasinnaassusaa nalilersussavaa, tamanna pisortaaup akuersissutigisussaavaa. Pisortap ilinniartup anisitaaneranik allagaqaat ilinniartumut nassiutissavaa.

Takkutinngitsoortarnernut kisitseriuseq

Takkutinngitsoornerit faagit akimorlugit ukiumut ilinniarfiusoq (augustimiit junimut) naatsorsorneqartarput. Augustimi Lectiokkut takkutinngitsoornerit nutarterneqaqqittarput naqqaniit aallartinneqartarlutik.

EQQUMAFFISSAQ: MERX II-rtut manualimik nammineq piffissaq nutarterneqartartussaavoq, sulii nammineerluni januarimi nutartersinnaalernikuunnginnera pequtigalugu.

Takkutinngitsoornerit tassaasarput ilinniarfeqarfimmut takkutinnginnerit – tassa ilinniartup ilinniartitsineri takkussimannginnera. Allakkatigut takkutinnginneq – ass. sulianik tunniussinngitsoorsimaneq – takkussimannginnertut nalunaarsorneqarneq ajorpoq, kisiannilu ilinniartup pegataaneranut naatsorsuineri tamanna ilanngunneqartarluni.

Takkussimannginnernik naatsorsuineri pingaaruteqarpoq takkuttannginneri procenti kisimiitillugu isigineqannginnissaa, kisiannilu takkuttannginneri ileqqorisap ilanngunneqarnissaa pingaaruteqarluni:

- Takkuttannginneq annertusiartorpa, allanngortoqanngila imaluunniit appariartorpa?

Ileqquusut tamakkiisumik isiginerisigut eqqornerusumik ilinniartup ataatsimoorussamik ilinniarnermi pegataanera aammalu pimoorussinera ersersinneqartarmata.

Ilinniartitsisoq attavigisartakkaq takkutinngitsunut atuuffigisaa

- Ilinniartitsisut tamarmik aammalu ilinniartitsisut attavigisartakkaq tamarmik peqannginnerit tamaviisa nalunaarsortassavaat.
- Ilinniartitsisup attavigisartakkaq takkutinngitsoorneri malittarisassat ilinniarnernup aallartinnerani sapaatip akunnera siulleq aallarnerfigalugu atuleriissavai.
- Ilinniarnernup aallartinneranit sapaatip akunneri pingasut qaangiunnerinni ilinniartitsisoq attavigisartagarisap ilinniartut takkuttannginneri misissuataassavai.
- Ilinniartitsisoq attavigisartakkaq sapaatip akunnerata ingerlanerani takkuttannginneri ileqqorineqartut eqqummaariffigissagai pingaaruteqarpoq – imatut paasillugu, takkuttannginnerit annertusiartornersut, allanngoriartunnginnerisut appariartornersulluunniit malinnaaffigissagai, tamanna nangitseqartitsineri nalilersuineri pingaaruteqartarmat.

Sapaatip akunnerani siullermi nangitseqartitsineq

- Sapaatip akunnerani siullermi ilinniartitsisoq attavigisartagaq killiffimmik nalilersueriissaaq
 - Ilinniartut takkussimanngitsut allattorsimaffimmut allattukkit
 - Ilinniartunut aqutissiuussisunut allattorsimaffik nassiunneqassaaq, taakku ilinniartunut paasiniaassammata attaveqarlutillu
 - Uani siunertaavoq sulerinermut allanngortitsisoqarsimanersoq paasissallugu, assersuutigalugu ilinniarunnaarsimanersoq

Sapaatip akunneri pingasut qaangiunnerinni 5%-imik takkussimannginnermi

- Ilinniartuq sapaatit akunneri pingasut qaangiussimalernerinni 5%-imik sinnerluguluunniit peqanngissimappat, taava ilinniartitsisoq attavigisartagaq
 - Ilinniartuq aqutissiuullugu oqaloqatigissavaa

Sapaatit akunneri tallimat qaangiussimalernerinni 10%-it anguneqarsimatillugit

- Ilinniartuq sapaatit akunneri tallimat ingerlanerinni 10%-imik takkuttarsimanngippat, ileqqorisarlu taanna allanngunngippat, ilinniartitsisup attavigisartakkaq Ilinniartunik Aqutissiuussisoq attavigissavaa, tassanilu takkutinngitsoortarnermi majuartarfik aallaavigalugu sulineq aallartinneqassalluni.


Immikkuullarissumik piffissarititaasut

- Soraarummeernissamut sapaatit akunneri pingasut sioqqullugit takkuttannginnermi nakkutillineq unitsinneqassaaq
- Piffissami tassani ilinniartitsisup attavigisartakkaq takkuttannginnerit nalunaarsorunnaassavai

Apeqqutit

Apeqqutissaqartoqarillugu ilinniartunut aqutissiuussisarfimmut studievejleder@gbs.gl attavigineqassaaq – inussiarnersumik kissaatigissavarput ilinniartunik aqutissiuussisut namminerisamik maillinut attaveqassanngitsutit.

Imak takkutinngitsoornerit kisinneqartarput - Lectiomit assersuusiaq



Takkutinngitsoorsimasunik akuersisinnaaneq

Napparsimanerit sivikitsukullaat (sapaatip akunneranik sivikinnermilluunniit sivilissuseqartut) imaluunniit peqannginnerit, soorlu meerarisap atuarfiani meeqqerivianiluunniit ataatsimiigiarnerit, nakorsiaassinerit kigutilerisarfiliaassinerilluunniit, meeqqap napparsimamera, kørekorti, kingusinaarluniluunniit takkunnernut allarpassuarnullu tunngaveqartut tamavimmik takkussimanngitsutut nalunaarsorneqartarput. Takkussimannginneq akuerineqassappat ilinniartog

uppernarsaammik studievejleder@gbs.gl -imut nassiussissaaq. Ilinniartup takkutinnginnini Lectiokkut nassuiaateqarluni nalunaarsorsinnaatitaavaa.

Allaffissornikkut akisussaaffik

1. Tiimit ilinniartitsiviusimasut tamaasa katinnerisigut takkussimannginnerit kisinneqassapput.
2. Ilinniartitsisup (timelærerinut aammalu ungasianiit ilinniartitsisunut atuuppoq) ilinniartitsinerup naammassinerani ilinniartut takkussimasut peqanngitsullu Lectiokkut nalunaarsortassavai
3. Sapaatit akunnikkaartumik ilinniartitsisup attavigisartakkaq ilinniartup takkuttarnerata allanngoriartoratarsinnaanera malinnaaffigisassavaa
4. Ukiup ilinniarfiusup aallartinnerani Ilinniartut Aqqutissiuussisuata ilinniartut ilinniarnermusiat pillugit, specialpædagogikstøtte pillugu takkuttannginnermilu malittarisassat pillugit paasissutissiissutigissavai
5. Studieservicep Ilinniartitaanermik Aqutsisoq sinnerlugu allakkatigut mianersoqqusinerit isumagisassarivai.
6. Ilinniartunik Aqqutissiuussisup tusarniaanerit pilersaarusiernerillu isumagisassarivai.
7. Ilinniartitsinermut Aqutsisup ilinniartumik anisitsisariaqarnerluni nalilersussavaa. Pisortaq kingorna anisitaasumut allagaqassaaq.

Takkuttannginnerup qaffasissuai assigiinngitsut

5% angullugit takkussimanngikkaanni:

Ilinniartuq 5% angullugu takkussimanngippat – peqanngiffigisimasat katinneri tamakkerlugit – ilinniartitsisup attavigisartakkaq ilinniartuq oqaloqatigissavaa. Oqaloqatigiinneq siunnersuinerimik imaqartinneqartarpoq. Ilinniartunik aqqutissiuussisoq mailikkut 5% tikillugu peqanngissimasumik oqaloqatiginnittoqassatillugu nalunaarfigineqassaaq, tassani ilinniartup aqqa, klassea oqaloqatigiinnissamullu piffissaq nalunaarsoqqajumaarlutik. Ilinniartunik aqqutissiuussisup kingorna tamanna Lectiomut ikkutissavaa.

Katillugit **10% angullugit** takkussimannngikkaanni:

Ilinniartitsisup attavigisartakkap Ilinniartunik Aqqutissiuussisoq nalunaarfigissavaa. Ilinniartunik Aqqutissiuussisup Ilinniartitsinermik Aqutsisoq paasitissavaa, taannalu allakkatigut mianersoqqussummik ilinniartumut nassiussissalluni. Ilinniartunik Aqqutissiuussisup ilinniartuq 10% angullugu peqanngittarsimanera pillugu tusarniaaffigissavaa, suut tassunga patsisaanersut paasiniaarlugit. Taamaaliortoqareerpat pilersaarusiortoqassaaq. Sapaatip akunnerata missaa qaangiunnerani nangitsepartitsisumik oqaloqatigiittoqaqqissaaq. Ilinniartunik Aqqutissiuussisup oqaloqatigiissimaneq Lectiokkut nalunaarsussavaa. Ilinniartitsisup attavigisartakkap Ilinniartunillu Aqqutissiuussisup ilinniartup atugarissaarnera ilinniarnernanilu periusissiarineqartut pillugit ataatsimiillattaartassapput.

Ilinniartunik Aqqutissiuussisoq makkuninnga suliaqassaaq:

- a. Ilinniartuq tusarniaavigisassallugu. Ilinniartunik Aqqutissiuussisup ilinniartuq Lectiokkut nalunaarfigissavaa, assilinerlu ilinniartunut attavigisartakkamut Ilinniartitsinermullu Aqutsisumut nassiutissallugu. Ilinniartunik Aqqutissiuussisup uppersaasatit ilinniartunik tunngassuteqartunik allagaateqarfimmut – ESDH systemimut – toqqussavai Lectiokkullu nalunaarsuissalluni.
- b. Takkussimannginneq Ilinniartunik Aqqutissiuussisumit akuersissutigineqassaaq, tamanna nakorsiarsimanermut uppersaasat imaluunniit peqanngissimanerup patsisaanik arlaannik uppersaammik peqartoqartillugu pisassaaq.
- c. Ilinniartunik Aqqutissiuussisup ilinniartuq pilersaarusiortatigiinnissaaq pillugu attavigissavaa. Ilinniartitsisup attavigisartakkap aammalu Ilinniartitsinermut Aqutsisoq mailikkut pilersaarusiap assinganik nassinneqassapput. Ilinniartunik Aqqutissiuussisup ilinniarfiup ESDH systemianut ilinniartunut tunngassuteqartunik allagaateqarfimmut uppersaasatit toqqussavai.

Katillugit **20% angullugit** takkussimannngikkaanni:

Ilinniartuq aappassaaneertumik allakkatigut mianersoqqussummik tunineqassaaq. Ilinniartitsisup attavigisartakkap Ilinniartunik Aqqutissiuussisoq nalunaarfigissavaa. Ilinniartunik Aqqutissiuussisup Ilinniartitsinermik Aqutsisumut ingerlatitseqqiissaaq, taannalu allakkatigut mianersoqqussummik nassiusuissalluni. Ilinniartunik Aqqutissiuussisup aappassaaneertumik allakkatigut mianersoqqusiisimaneq nalunaarsussavaa.

Ilinniartuq 20% sinnerlugit peqanngissimatillugu ilinniartitsisup attavigisartakkap Ilinniartitsinermullu Aqutsisup qanimut tamanna malinnaaffigissavaat. Ilinniartumut pilersaarutaasimasooq sukumiisumik malinneqaaqqissaassaaq, peqanngissimaneq 30% angunnginniassammagu.

Katillugit **30% angullugit** takkuttarsimanngikkaanni:

Pilersaarusiaq allakkatigulluunniit isumaqatigiissutigisaq malinneqanngippat Ilinniartitsinermut Aqutsisooq qaqugukkulluunniit nangitsepartitsilluni aggersaasinnaatitaavoq. Ilinniartup piumasariippagu Ilinniartunik Aqutissiuussisooq peqataasinnaatitaavoq. Nangitsepartitsilluni ataatsimiinerit Ilinniartitaanermut Aqutsisumit Lectiokkut nalunaarsorneqartassapput.

Takkuttarsimannginnerit katinnerinni 30% anguneqarsimatillugu pilersaarutigineqarsimasorlu malinneqarsimanngippat ilinniartumik anisitsineq aallartisarneqarsinnaavoq. Anisitsineq isumaqarpoq ilinniartuq ilinniarfeqarfimmit anisitaasoq.

Ilinniartitsinermik Aqutsisup anisitaanissamut ingerlatsinissaq aallartisassavaa. Ilinniartitsinermik Aqutsisup anisitaanissamut allagaq pisortamit akuerisassanngorlugu piariissavaa, Ilinniartunik Aqutissiuussisorlu assinganik nassinneqassalluni. Unitsitsinermik tunngavilersuut takkutinnitsoortarnerup tunngaviinik qanorlu annertutigisumik peqanngissimanermik nassuiaatinik imaqaassaaq.

Unitsitsilluni anisitsinissaq malinneqarumappat, Ilinniartunik Aqutissiuussisooq pisortatigoortumik ilinniartumut anisitsinissaq pillugu tusarniaanermik imaqartumik allagaqaassaaq, assilinera ilinniartitsisooq attavigisartakkamut, Ilinniartitsinermut Aqutsisumut skemaliortartumullu aamma nassiunneqassalluni.

Ilinniartunik Aqutissiuussisup uppersaasatit ilinniartut pillugit allagaateqarfianut ilinniarfiup ESDH systemianiittumut toqqussavai Lectiokkullu nalunaarusiussalluni. Aaliangiussaq pillugu ilinniartuq sapaatit akunneri sisamat iluanni allagaqarnikkut malaarsinnaatitaavoq, maalaarut Ilinniartitaanermut Naalakkersuisusoqarfimmut nassiunneqassalluni.

- a. Ilinniartuq maalaaruteqanngippat Studieservice erngertumik nalunaarfigineqassaaq. Studieservicep ilinniartuq anisitaasimaneramik paasitissavaa IT-REG-ikkut MIT Perspektivikkullu sulerineranittaaq allannguilluni nalunaarsuissalluni.
- b. Ilinniartup anisitaanini pillugu maalaaruteqaruni Ilinniartitaanermut Naalakkersuisoqarfiup ilinniarfiup pisortaa attavigissavaa, tassannga **suliamik saqqummiussinissamut** suliaq aallartinneqassalluni, suliaq ingerlasimanera allaqqissaarneqassalluni aammalu ilinniartitsisooq

attavigisartagaq, ilinniartitsisut aammalu allat paasissutissiisinnaasut
oqaaseqaatiliortinneqassallutik. Ilinniartup tusarniaavigineqarsimanermini akissutaata
uppersaataa aamma ikkunneqassalluni.

- c. Suliamik saqqummiussassaq ilanngussartalerlugu Ilinniartitaanermut
Naalakkersuisoqarfimmut nassiunneqassaaq, taakku suliamik aaliangiisuussallutik. Suliamik
saqqummiussaq ilanngussartalik ilinniarfiup ESDH systemianut pisortamit toqqorneqassaaq.
- d. Kingorna Ilinniartitaanermut Naalakkersuisoqarfimmit aaliangiussaq Studies servicemut
erngertumik nalunaarutigineqassaaq. Aaliangiussaq anisitsineruppat Ilinniartitaanermut
Naalakkersuisoqarfimmit ilinniartuq nalunaarfigineqassaaq. Studies servicep ilinniartup
suneramik allannguutit IT-REGikkut MIT Perspektivikkullu nalunaarsussavai ilinniartitsisorlu
attavigisaaq aammalu skemaliortartoq nalunaarfigissallugittaaq.

Ilinniartut immikkut pisariaqartitallit

Ilinniartut peqquteqavillutik 10% sinnerlugu peqanngittartussat immikkut isiginiarneqartarput. Peqqutit soorlu makkuusinnaapput, sivisuumik ataavartumilluunniit nappaateqarnerit, imaluunniit tarnikkut timikkulluunniit piginnaasamikkut tamakkiisumik pisinnaanngitsut.

Ilinniartunik Aqqutissiuussisup ilinniarfiullu aqutsisuisa malittarisassat naapertorlugit aaliangertarpaat taamatut peqanngissinnaanermik pisinnaatitsissummik tunniussaqaarusunnerlutik. Peqanngittarnerup toqqammavia uppersarsarneqassaaq. Nakorsamit uppersarsaataasinnaavoq (ilinniartup nammineq akiligassarisa), kisianni aamma uppersarsaat nakorsaqaarfimmi sulisumit imaluunniit isumaginninnermi peqqinnissamilluunniit suliaqartumeersuusinnaalluni.

Ilinniartut qaffasissumik timersortartuugunik (nunanut allanut unammisartuullutik) ukiup ilinniarfiup nutaap aallartinnerani ilinniartunik Aqqutissiuussisumut uppersarsaammik tunniussissapput. Immikkut ilinniartitsinermik negerooruteqartoqarneq ajorpoq.

18-it inorlugit ukiullit: Ilinniartoq 18-it inorlugit ukioqarpat oqaloqatigineqassatillugu angajoqqaavi angajoqqaarsiaaluunniit ilinniartunik Aqqutissiuussisumit paasitinneqassapput. Angajoqqaalli angajoqqaarsialluunniit ilinniartuutimik ilinniartunik Aqqutissiuussisumik oqaloqatiginnilernerani najuuttuusinnaatitaapput.

TAKKUTTANNGINNEQ PILLUGU SULINERMIK MISILIIFFIUSARTUNUT ILITSERSUUT

Una takkuttannginneq pillugu ilitsersuut suliffimmik misiliisitsisunoortuuvoq, suliffeqarfimmik misiliisunut takkuttannginnermut ilitsersuuteqanngitsunoortuulluni, ilinniarfeqarfiup suliffeqarfimmik misiliinerup aallartisimalernerani takkuttannginnermut ilitsersuut nassiutissavaa.

Sulinermik misiliinermi aaqqissuussisartup ilinniarfeqarfiup ilitsersuutaa nassiutissavaa.

Suliffimmik misiliiffigisap akisussaaffigivaa ilinniartup takkussimanerini nakkutiginnissalluni nalunaarsuissallunilu. Ilinniartut suliffimmik misiliisut pillugit suliffimmik misiliititsisut paasissutissanik attuumassuteqartunik Lectiokkut isertaateqartinneqassapput.

Takkuttannginneq pillugu oqaloqatiginnittarneq. Suliffimmik misiliisitsisup ilinniartup takkuttannginnera pillugu ilinniartumik oqaloqateqarsinnaatitaapput ilaatigullu pisariaqarsorineqarpat mianersoqqussummik tunniussisinnaatitaallutik. Suliffimmik misiliititsisunullu piumasaqaataanngilaq ilinniarfeqarfiup 10% angullugu takkuttanngitsunik oqaloqateqartarannut malittarisassarisaannik atuillutik ingerlaaseqarnissaat.

30% angullugili takkutinngitsoortoqartarsimatillgu suliffimmik misiliititsisut pisussaaffeqarput ilinniarfeqarfimmut allakkatigut nalunaaruteqassallutik. Ilinniartitaanermut Aqutsisumut paasissutissanik nassiussisoqassaaq, taassumap uppersaasatit (suliffimmik misiliititsisup paasissutissiissutaa) ilinniartut pillugit allagaqaateqarfimmut ilinniarfiup ESDH systemianut toqqussavaa, Lectiomullu oqaasertalerlugu nalunaaruteqarluni. Ilinniartitsinermit Aqutsisup ilinniartitsisoq attavigisartagaq nalunaarfigissavaa.

Ilinniartitsinermit Aqutsisup ilinniartoq, sulinermik misiliisitsisoq ilinniarfillu (assigiinngitsut pingasut oqaloqatigiinnerat / treparts møde) ataatsimiinnissaannut aggersaasuusaaq alloriarnissap tullissaanik ujartuinissamut siunertaqartumik. Ilinniartup piumappagu ilinniartunik Aqqutissiuussisoq najortitut atorsinnaatitaavaa.

Sulinermik misiliiffik pisinnaatitavoq ilinniartup suliffimmik misiliinissamut isumaqatigiissutaanik atuutikkunnaarsitsisinnaalluni, tamanna ilinniartup pisussaaffimminik eqquutitsinngiinnaavinneranik pissuteqarpat pisinnaalluni – uani aamma annertuumik takkutinngitsoortarsimanera peqqutaasinnaalluni. Atuukkunnaarsitsinissalli pinnginnerani suliffimmik misiliisitsisoq, ilinniarfeqarfik ilinniartorlu aaqqiissutissamik ujartuillutik oqaloqatigeereersimasariaqarput. Suliffimmik misiliinermi isumaqatigiissut atorunnaarsinneqarpat taava sulinermik misiliinerup

unitsinneqarneranik nalunaarsuisoqassaaq aammalu ilinniartup sulerineranik allannguisoqassalluni.

Studieservicep skemaliortartorlu ilinniartitaanermut Aqutsisumit nalunaarfigineqassapput.

Ilinniartup suliffeqarfiullu sulinermik misiliineq sivitsorsinnaatitavaat, ilinniartoq:

- Napparsimaneq pissutaalluni 10%-it sinnerlugit peqanngissimatillugu
- Naartuneq, meerartaarluni sulinnginneq meeravissiaartaarsimanerluunniit pissutaallutik sulinngiffeqarsimappat
- Immikkuullarissumik patsiseqarluni sulisinnaassutsimigut apparsimappat

Sivitsuinerup peqanngissimanerup annertussusaanit sivisuneruppat tamanna ilinniarfeqarfiup pisortaata akuersissutigeqqaassavaa. Ilinniartoq misiliinerup nalaani qaammat ataaseq peqanngissimappat assigisaanik ullut amerlassusaat assigalugit sivitsuisoqassaaq. Tamanna pillugu soraarummeertussat allattorsimaffiannut paasissutissiissuteqarluni nalunaarsuisoqassaaq.